



Republika e Kosovës
Republika Kosova - Republic of Kosovo



Komuna e Prishtinës
Opština Priština -Municipality of Prishtina

THIRRJE PUBLIKE

**PËR MBËSHTETJE FINANCIARE PËR PROJEKTPROPOZIME TË
ORGANIZATAVE JOQEVERITARE, INDIVIDËVE DHE BIZNESEVE, NË
FUSHAT: *Festívale, Mbështetje të Aktivíteteve vjetore, Muzikë, Shoqëri Kulturo
Artístike, Trashëgími kulturore dhe turízëm***

Udhëzimet për aplikues

Data e hapjes së thirrjes: më 17.03.2021

Afati i fundit për dorëzimin e aplikacioneve: më 07.04.2021

PROBLEMET TË CILAT SYNOHET TË ADRESOHEN PËRMES KËSAJ THIRRJE PUBLIKE

Komuna e Prishtinës kujdeset për jetën kulturore të kryeqytetit dhe me këtë synim ofron përkrahje për OJQ, biznese dhe individë, programi i të cilëve është i fokusuar në fushën e kulturës.

Në këtë vijë, Komuna e Prishtinës synon pasurimin e jetës kulturore të qytetit, rritjen e llojllojshmërisë së aktiviteteve, tërheqjen e numrit sa më të madh të publikut në aktivitete, tërheqjen e turistëve në këto aktivitete të krijuara, si dhe në promovimin e kulturës dhe aktiviteteve të të gjithë qytetarëve.

OBJEKTIVAT E THIRRJES DHE PRIORITETET PËR NDARJEN E FONDEVE

Objektivi/objektivat e përgjithshme të kësaj thirrje janë, që Komuna e Prishtinës të ofrojë përkrahje për biznese, OJQ, programi i të cilëve është i fokusuar në fushën e kulturës, dhe ofron mbështetjen e tyre me transparencë të plotë dhe pa kurrfarë diskriminimi.

Objektivat specifike të thirrjes janë:

1. Të fuqizohen krijuesit e pavarur dhe krijuesit e rinj që veprojnë në Komunën e Prishtinës;
2. Të prodhohen punë të reja kulturore/artistike;
3. Të ketë shtrirje të gjerë dhe pjesëmarrje gjithëpërfshirëse në jetën kulturore/artistike në Komunën e Prishtinës;
4. Të sigurohet mbështetje për institucionet e pavarura kulturore që veprojnë në Komunën e Prishtinës;
5. Të mbështetet puna në grupe dhe bashkëpunimi ndër-disiplinar dhe ndër sektorial;
6. Të përkrahën punë me përmbajtje kritike, të cilat synojnë të sfidojnë pabarazi sociale dhe ekonomike;
7. Të përkrahën punë me përmbajtje Feministe;
8. Të stimulohet inovacioni teknologjik në të gjitha fushat kulturore/artistike;

9. Të inkurajohen personat me nevoja të veçanta për pjesëmarrje dhe prodhim në sektorin e artistik dhe kulturor

Kualifikimi për Aplikim:

Organizatave joqeveritare (OJQ), individët, kolektivet apo grupet jo formale dhe bizneset, në përputhje me këtë thirrje publike mund të aplikojnë me projekt propozime për prodhimin e punëve të reja apo organizimin e aktiviteteve kulturore si më poshtë.

Organizimi, prodhimi apo aktivitetet e projektit mund të zgjasin deri në 1 vit:

Organizim apo implementim i aktiviteteve vjetore ose te përkohshme:

- Mbështetja e aktiviteteve të përkohshme të organizatave joqeveritare, individëve, kolektiveve apo grupeve jo formale, bizneset: Festivale, Punëtori, Ngjarje një-ditore apo javore, Rezidenca, Ekspozitë, Debate publike, Ligjërata, shfaqje etj (me përmbajtje të fushave ose zhanreve kulturore/artistike të cilat i shihni më poshtë);
- Mbështetje të aktiviteteve vjetore të organizatave jo-qeveritare (OJQ), individëve, kolektiveve apo grupeve, bizneseve: Punëtori, Programe afat-gjata, Rezidenca, Program i ekspozitës, Program i shfaqjeve, Festivale, Debate publike, Ligjërata etj. (me përmbajtje te fushave ose zhanreve kulturore/artistike të cilat i shihni më poshtë);
- Mbështetje për shpenzimet e prodhimit të punëve të reja apo organizimin e aktiviteteve të OJQ-ve, individëve dhe kolektiveve apo grupeve, dhe bizneseve (blerja e kostumeve, instrumenteve, mjeteve të punës shpenzimet e prodhimit të një vepre të re për fushat përkatëse kulturore/artistike);
- Mbështetja e individëve, kolektiveve apo grupeve për pjesëmarrje në festivale lokale dhe ndërkombëtare.

VLERA E PLANIFIKUAR E MBËSHTETJES FINANCIARE PËR PROJEKTET DHE SHUMA E PËRGJITHSHME E THIRRJES

- Vlera e përgjithshme e planifikuar e të dy thirrjeve për Fazën e I-rë është 300,000.00€ (Euro).
- Shuma minimale e mbështetjes financiare që mund të alokohet për një projekt është 500.00€, ndërsa shuma maksimale për një projekt është 14,000.00€.

MËNYRA E APLIKIMIT, PËRSHKRIMI I FUSHAVE, KUSHTET FORMALE DHE KRITERET QË DUHET PLOTESUAR APLIKANTËT

MËNYRA E APLIKIMIT

- Aplikimi bëhet përgjatë thirrjes së hapur, përmes mënyrës elektronike online <http://krs.prishtinaonline.com/>.

PËRSHKRIMI I FUSHAVE

Përshkrim i fushave në të cilat aplikanti mund ta parashikojë zbatimin e programeve apo projekteve përgjatë aplikimit:

- a) **Festival:** art figurative, art në hapësira publike, arkitekturë, ekologji, film, letrar, shumë disiplinor, muzikë, folklore, teatër, teknologji informative, vallëzim etj.;
- b) **Mbështetje të aktiviteteve vjetore të organizatave dhe operatorëve kulturorë:** aktivitete mujore, fuqizim i krijuesve të rinj, rezidencë artistike, debate, ligjërata dhe hulumtime;
- c) **Muzikë:** kompozim i veprës së re, audio-incizim, koncert, fuqizimi i muzikantëve të rinj, mbështetje të personave me nevoja të veçanta dhe inovacion teknologjik;
- d) **Shoqëri kulturore Artistike:** mbështetje të aktiviteteve vjetore, blerja e kostumeve, blerja e instrumenteve dhe pjesëmarrje në festivale;
- e) **Trashëgimi kulturore dhe turizëm:** fushata vetëdijësimi, pjesëmarrje në aktivitete për mbrojtjen e trashëgimisë kulturore, hulumtim, promovim i diversitetit kulturor, turizëm kulturor, platforma informative;

KRITERET QË DUHET TË I PLOTËSOJNË APLIKANTËT

Kriteret e përgjithshme

Për t'u kualifikuar për mbështetje financiare publike, aplikuesit duhet të plotësojnë kriteret e përgjithshme minimale të përcaktuara me dispozitat në vijim:

- të jenë të regjistruar si OJQ, sipas kërkesave të legjislacionit në fuqi për lirinë e asociimit në organizata jo-qeveritare në Republikën e Kosovës, apo në shtetin ku është e koncentruar diaspora;

- të jenë të pajisur me numër fiskal, sipas kërkesave të legjislacionit tatimor të Republikës së Kosovës, përkatësisht dokumentacionin ekuivalent sipas legjislacionit të shtetit përkatës për OJQ-në e huaj;
- të kenë kryer të gjitha detyrimet nga mbështetja financiare paraprake, nëse kanë përfituar nga burimet publike të financimit;
- të mos ketë pranuar mjete nga burime tjera të financimit për të njëjtat aktivitete; dhe
- të mos ekzistojë ndonjë konflikt interesi në mes të aplikuesit, përkatësisht përfaqësuesve/udhëheqësit të aplikuesit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës.

Lista e dokumenteve të detyrueshme të thirrjes publike

- Aplikacioni online
- **Për individ:**
 - ❖ Kopjen e letërnjoftimit/ pasaportës
 - ❖ Vërtetimin/ Konfirmimin e llogarisë bankare (nuk pranohet kopje e kartelës bankare);
 - ❖ Çertifikaten/ Vërtetimin e vendbanimit (merret në zyrat e gjendjes civile apo në bashkësi lokale)
- **Për Ojq-të:**
 - ❖ Çertifikata e regjistrimit të OJQ-së;
 - ❖ Çertifikata e nr. fiskal;
 - ❖ Vërtetimi/Konfirmimi i llogarisë bankare të OJQ-së (nuk pranohet kopje e kartelës bankare);
 - ❖ Kopjen e letërnjoftimit/ pasaportës të përfaqësuesit të OJQ-së.
- **Për Biznese:**
 - ❖ Çertifikata e Biznesit (me Numër Unik Identifikues nga ARBK);
 - ❖ Vërtetimi/Konfirmimi i llogarisë bankare të Biznesit (nuk pranohet kopje e kartelës bankare);
 - ❖ Kopjen e letërnjoftimit/ pasaportës të përfaqësuesit të Biznesit;

Lista e dokumenteve specifike të thirrjes publike sipas kategorive:

1. Festivale:

- a) Link i punëve të mëhershme të festivaleve të realizuara;
- b) Biografi të shkurtra për ekipet e përfshira në projekt;
- c) Koncepti i festivalit (të përshkruhen të gjitha detajet e festivalit);
- d) Numri i pjesëmarrësve/artistëve, kombëtar dhe ndërkombëtare (nëse ka).

2. Mbështetje të aktiviteteve vjetore:

- a) Link i punëve të mëhershme të organizatës;
- b) Biografi të shkurtra për individët/ekipet e përfshira në projekt
- c) Plani i punës për vitin aplikues (të përshkruhen detajet e gjitha aktiviteteve);

3. Muzikë:

- a) Link i punëve të mëhershme të artistit-es, i-e cila aplikon ose që është bartës-s i-e projektit.
- b) Ekipi kreativ me bio të shkurtra (vokalist/ja, muzikantët/ja, kompozitori-ja);
- c) Teksti i këngës (nëse është e aplikueshme);
- d) Sinopsisi i video klipit (kur aplikohet për video klip);
- e) Koncepti regjisorial (kur aplikohet për video klip);
- f) Punë të mëhershme të regjisorit-es (kur aplikohet për video klip).

4. Shoqëri Kulturo- Artistike:

- a. Link i punëve të mëhershme të SHKA-ve;
- b. Biografi të shkurtra për ekipet e përfshira në projekt;
- c. Koncepti i programit artistik(Përshkrim i detajuar);
- d. Ftesa/marrëveshja (kur aplikohet për pjesëmarrje në aktivitete).

5. Trashëgimi kulturore dhe turizëm:

- a. Portfolio e organizatës me punë të ngjashme ose linqe të punëve të ngjashme të autorit-es;

- b. Projekt propozim (Preferohet që në projekt të ketë profesionist të fushës së trashëgimisë dhe të turizmit) ;
- c. Koncepti vizuel (aty ku është e zbatueshme);
- d. Ftesa/marrëveshja (kur aplikohet për pjesëmarrje në aktivitete, punëtori, hulumtime, etj);

KUSHTET FORMALE TË THIRRJES

Shpenzimet e pranueshme që do të financohen përmes thirrjes

Përmes fondeve publike të kësaj thirrjeje publike, mund të financohen vetëm kostot reale dhe të pranueshme për realizimin e aktiviteteve të projektit, në periudhën kohore të specifikuar me këto udhëzime. Në vlerësimin e projektit/programit, do të vlerësohen vetëm kostot e nevojave në lidhje me aktivitetet e planifikuara, si dhe në lartësinë reale të këtyre shpenzimeve.

Shpenzimet e papranueshme përfshijnë:

- Blerja e pajisjeve për zyra;
- Renovime të objekteve;
- Dhurata dhe shpërblime të ngjashme.

Llojet e mëposhtme të aktiviteteve nuk janë të pranueshme për financim:

- Aktivitete që nuk zhvillohen në komunën e Prishtinës;
- Aktivitete që përmbajnë diskriminim gjinor;
- Aktivitete që përmbajnë diskriminim fetar.

PERIUDHA E ZBATIMIT TË PROJEKTIT

- Periudha e zbatimit të projektit është deri *në fund të muajit dhjetor, 2021.*

DORËZIMI I APLIKACIONIT

- Aplikacionin mund ta dorëzoni vetëm përmes mënyrës elektronike, online <http://krs.prishtinaonline.com/> ,
- Aplikacionet në formë tjetër nuk pranohen.
- Të gjitha çështjet që lidhen me thirrjen publike, mund të sqarohen vetëm në mënyrë elektronike, duke dërguar e-mail në adresën: kultura.pr@rks-gov.net, dhe në numrin e telefonit +383 38226417. Pyetjet mund të bëhet deri më 27.03.2021.
- *Afati për dorëzimin e propozimeve është deri më **07.04.2021, ora 16:00h**, përmes aplikacionit online, në dispozicion në faqen e internetit të Komunës së Prishtinës <http://krs.prishtinaonline.com/>*